

## Só vos pido que vos amedes

**Ti, Señor,** dixéchesnos: "unha cousa pídovos: que vos amedes".

**Axúdanos** a non facer do amor unha carta de poesía, nin servir o amor en pequenas doses, nin ofrecer o amor a segundo quen e como.

**Axúdanos** a ver nos irmáns, o teu rostro, a envorcarnos por amor aínda que recibamos abrollos, a ser servos antes que donos.

**Axúdanos** a pedir a forza do alto para vivir no chan, a buscar o ceo sen perder o vértice da terra e a vivir na terra sen perder o ancho ceo.

**Axúdanos** a coñecerte amando sen esperar nada a cambio, a revelarte polo amor que sementamos, a anunciarte co amor que regalamos.

**Axúdanos** a seguir as túas pegadas polos sendeiros do amor, a seguir as túas Palabras con palabras de amor, a meditar as túas accións con accións de amor, a fortalecer nosa fe co compromiso no amor.

**Axúdanos, Señor,** a ir ao fondo de todo porque, no fondo dese todo, hai unha fonte de amor. Esa fonte de amor e de tenrura, es Ti, Señor.

MAMÁ  
DÍA  
FELIZ

Meu Deus, Ti quixeches que miña nai me dese a vida; sen ela eu non existiría.

Quero expresarlle o meu mellor recoñecemento e no esquecer nunca os sacrificios que por min se impuxo.

Durante longos meses levoume dentro de si; durante anos velou por min e agora segue traballando sen cesar.

Foi a primeira en falarme de ti e ensinarme a rezar. Hoxe pídoche especialmente por ela.

Bendí a mina nai e dálle todo o ben que me fixo no teu nome, posto que eu son incapaz de agradecerllo e comprendela como se merece.

Tamén eu quero velar por ela.

Prométoche, Señor, facela máis feliz, co meu agarimo ofrecéndolle a miña axuda coa mellor vontade rodeándoa de delicadeza e afecto.

Graciñas Señor, pola nai que me regalaches, graciñas tamén pola mamá do ceo!



Evanxeo  
6-maio-2018  
6º-PASCUA-B



Conducidos por XESÚS e movidos  
polo seu ESPÍRITO, seremos UN.

# 6º Pascua 18



**FEITOS 10,25-26,34-35,44-48:** *Deus non fai distincións.*

Cando ía entrar Pedro, Cornelio saíulle ao encontro e, prostrándose, quixolle render homenaxe. Pero Pedro levantouno dicíndolle: - "Levántate, que son un home coma ti". Pedro tomou a palabra e díxolles: - "Agora comprendo con toda verdade que Deus non fai acepción de persoas, senón que acepta o que o teme e practica a xustiza, sexa da nación que sexa".

Aínda estaba falando Pedro, cando baixou o Espírito Santo sobre todos os que escoitaban a palabra, e os fiéis da circuncisión que viñeran con Pedro sorprendéronse de que o don do Espírito Santo se derramase tamén sobre os xentís, porque os oían falar en linguas estrañas e proclamar a grandeza de Deus.

Entón Pedro engadiu: -"Pódese negar a auga do bautismo aos que recibiron o Espírito Santo igual ca nós?". E mandou bautizalos no nome de Xesucristo. Entón rogáronlle que se quedase uns días con eles. *Palabra do Señor.*

**SALMO 97: O Señor revela ás nacións a súa salvación.**

**1ª XOÁN 4,7-10:** *Amémonos uns a outros.*

**JUAN 4,7-10:** *Isto mándovos: que vos amedes uns a outros.*

**Narrador:** Naquel tempo, díxolles Xesús aos seus discípulos:

**Xesús:** - *Como o Pai me amou, así vos ameí eu; permanecede no meu amor. Se gardades os meus mandamentos, **permaneceredes no meu amor**; o mesmo que eu gardei os mandamentos de meu Pai e permanezo no seu amor. Faleivos disto para que a miña alegría estea en vós, e a vosa alegría chegue a plenitude. **Este é o meu mandamento: que vos amedes uns a outros como eu vos ame.** Ninguén ten amor máis grande que o que dá a vida polos seus amigos. Vós sodes os meus amigos, se facedes o que eu vos mando. *Xa non vos chamo servos porque o servo non sabe o que fai o seu señor: a vós chámovos amigos, porque todo o que oín a meu Pai déivolo a coñecer. Non sodes vós os que me elixistes, son eu quen vos elixín e destineivos para que vaiades e deades froito, e o voso froito permaneza. De modo que o que pidades ao Pai no meu nome volo dea. **Isto mándovos: que vos amedes uns a outros.*** Palabra do Señor.*

(Narrador-Xesús)



**Conducidos por XESÚS e movidos polo seu ESPÍRITO, seremos UN.**

## 1. VER: O máis importante.

-Poderíamos comezar dialogando sobre o que é máis importante na vida. Desde que somos bebés buscamos ser queridos. Pouco a pouco imos aprendendo a querer desinteresadamente na familia, cos amigos. E é que o máis importante na vida é amar.

*Por que será importante querer e ser querido?*

## 2. XULGAR: Xesús quere que sexamos os seus amigos amando.

-Na 1ª lectura vemos como os primeiros cristiáns **reciben o Espírito Santo** e bautízanse. No evanxeo Xesús dinos: "**Vós sodes os meus amigos**". E para selo sempre nos dá un mandamento: "**Isto mándovos: que vos amedes uns a outros**".

### QUE NOS QUERE DICIR?

-**Que Deus é Amor**, creounos por amor e para amar. Quérenos moito e leva o noso nome escrito na súa man para non esquecernos, perdóanos.

-**Xesús quere ser o noso amigo** para que sexamos felices. Seremos felices se nos queremos uns a outros. Un é feliz cando axuda, comparte. Somos felices se nos queremos e queremos a todos ata aos que non nos queren... E parecerémonos a Deus que é amor.

-Para cando nos cansamos **Xesús deixounos o Espírito Santo** que é a forza, a ilusión, a ledicia, o amor de Deus. El fainos UN.

-**Que os que formamos a Igrexa de Xesús** temos a misión de ser testemuñas do amor de Deus creando unidade, comuñón, fraternidade.

*En que se nota que sodes amigos de Xesús?*

## 3. ACTUAR: Se nos amamos seremos un

-**No debuxo de Fano** da portada vemos a barca da Igrexa na que imos todos os amigos de Xesús, conducidos por el e movidos polo seu Espírito. Na borda varios nenos forman a palabra **UNO**: Se **U**nimos as nosas mans, se abrimos os **N**osos brazos para acoller e xuntamos as mans para **O**rar, seremos **UNO**. **Concretemos** esta invitación nas nosa familia, no noso traballo e comunidade.

-Comeza o mes de María. Hoxe día de enfermo. Preparamos algo.

*Que imos facer na familia, comunidade e na barca da Igrexa?*